

রোহিঙ্গা : উদ্ভাস্তদের বিতাড়ন করা অমানবিক, সভ্যতাবিরোধী

মায়ানমারের রাখাইন প্রদেশে রোহিঙ্গা জনগণকে নির্মমভাবে উৎখাত করার ঘটনার তীব্র নিন্দা করে এস ইউ সি আই (সি) সাধারণ সম্পাদক কমরেড প্রভাস ঘোষ ১০ সেপ্টেম্বর এক প্রেস বিবৃতিতে বলেন,

মায়ানমারের পার্বত্য রাখাইন প্রদেশে বসবাসকারী রোহিঙ্গা জনগণের উপর সে দেশের সরকার চূড়ান্ত অমানবিক এবং জাতিবিদ্বেষী (racial hatred) দৃষ্টিভঙ্গির দ্বারা পরিচালিত হয়ে সামরিক বাহিনী দিয়ে যে বর্বর অত্যাচার চালাচ্ছে, আমরা তার তীব্র নিন্দা করছি। এর ফলে লক্ষ লক্ষ রোহিঙ্গা জনগণ পরিবার নিয়ে আশ্রয়ের খোঁজে দেশ ছেড়ে পালাতে এবং পার্শ্ববর্তী ভারত, বাংলাদেশ এবং অন্যান্য দেশে আশ্রয় নিতে বাধ্য হচ্ছেন। আমরা দাবি করছি, এই নির্মম কার্যকলাপ অবিলম্বে বন্ধ হোক এবং সকল বিতাড়িত রোহিঙ্গা জনগণের নিরাপত্তা সুনিশ্চিত করে তাদের নিজ ভূমিতে ফিরিয়ে নিয়ে যাওয়ার ব্যবস্থা করা হোক। পাশাপাশি আমরা দৃঢ়ভাবে বলতে চাই, সহায় সম্বলহীন রোহিঙ্গা জনগণ ভারত সহ যে সব দেশে আশ্রয় নিয়েছেন সে সব দেশ থেকে তাঁদের বিতাড়ন করার চিন্তা মানবিকতা এবং সভ্যতা বিরোধী। এই অমানবিক চেষ্টা অতি অবশ্যই বন্ধ হোক।